


monitionem, quæ erat ad salutem amore paterno, reputavit ad injuriam, tanquam si esset ex hostili odio.

Pharisæi videntes cæcum illuminatum, ac sanatum à Christo D. ita & odio stimulati, Christum dicunt peccatorem, qui sabbatum non custodiebat; & dicunt cæcus: *Da gloriam Deo, nisi scimus, quia homo peccator est.* Joan 9. n. 24. Tunc cæcus causam Christi suscipit dicens, quod Deus peccatores non exaudit, sed si quis ejus cultor est, & voluntatem ejus facit, & subdit: *Nisi hic homo esset à Deo, non poterat facere quidquam.* n. 33. Supernaturale &

miraculosum, ut ex Euthym explicavi tom. 4. c. 18. q. 17. Quid tunc Judæi: num forsitan rationibus tam efficacibus secundum omne jus tam divinum, quam naturale, acquiescunt; in d. admonitionem sanctam prolatam à cæco tanquam injuriosam calumniam suscipientes eum tanquam publicum peccatorem, ac excommunicatum ejiciunt extra synagogam: *Dixerunt ei, in peccatis natus es, totus, & tu nos doces? & ejecerunt eum foras.* n. 34. D. Chrysostom. 57. in Joan. ait: *Quando magis admirari eum oportebat, tunc eum condemnant & dicunt, in peccatis natus es totus; nempe à pueritia, ac prima ætate tua.*

Euthym. Admonitio nem pro conumeliare putant.


D. Chrysost.



CAPUT XI.

RAT autem quidam languens Lazarus à Bethania de castello Marthæ & Marthæ fororum ejus. (2. Maria autem erat, quæ unxit Dominum unguento, & extersit pedes ejus capillis suis, cujus frater Lazarus infirmabatur) 3. Miserunt ergo sorores ejus ad eum dicentes: Domine, ecce quem amas, infirmatur. 4. Audiens autem Jesus dixit eis: infirmitas hæc non est ad mortem, sed pro gloria Dei, ut glorificetur Filius Dei per eam. 5. Diligebat autem Jesus Martham, & sororem ejus Mariam, & Lazarum. 6. Ut ergo audivit quia infirmabatur, tunc quidem mansit in eodem loco duobus diebus: 7. deinde post hæc dicit discipulis suis: Eamus in Judæam iterum. 8. Dicunt ei Discipuli: Rabbi, nunc quærebant te Judæi lapidare: & iterum vadis illuc? 9. Respondit Jesus. Nonne duodecim sunt horæ diei? si quis ambulaverit in die, non offendit, quia lucem hujus mundi videt, 10. Si autem ambulaverit in nocte, offendit, quia lux non est in eo. 11. Hæc ait: Et post hæc dicit eis: Lazarus amicus noster dormit, sed vado ut à somno excitem eum. 12. Dixerunt ergo discipuli ejus: Domine si dormit, salvus erit. 13. Dixerat autem Jesus de morte ejus; illi autem putaverunt quia de dormitione somni diceret. 14. Tunc ergo Jesus dixit eis manifestè: Lazarus mortuus est. 15. Et gaudeo propter vos, ut credatis, quoniam non eram ibi: sed eamus ad eum. 16. Dixit ergo Thomas, qui dicitur Didymus ad condiscipulos: Eamus & nos, ut moriamur cum eo. 17. Venit itaque Jesus, & invenit eum quatuor dies jam in monumento habentem. 18. (Erat autem Bethania juxta Jerosolimam quasi stadiis quindecim.) 19. Multi autem ex Judæis venerant ad Martham & Mariam, ut consolarentur eas de fratre suo. 20. Martha ergo ut audivit quia Jesus venit, occurrit illi: Maria autem domi sedebat. 21. Dixit ergo Martha ad Jesum: Domine si fuisses hic, frater meus non fuisset mortuus. 22. Sed & nunc scio, quia quæcumque poposceris à Deo dabit tibi Deus. 23. Dicit illi Jesus: Resurget frater tuus. 24. Dicit ei Martha: scio quia resurget in resurrectione in novissimo die. 25. Dixit ei Jesus. Ego sum resurrectio & vita: qui credit in me, etiam si mortuus fuerit, vivet. 26. Et omnis qui vivit, & credit in me, non morietur in æternum. Credis hoc? 27. Ait illi Utique Domine, ego credidi quia tu es Christus Dei vivi, qui in hunc mundum venisti. 28. Et cum hæc dixisset, abiit & vocavit Mariam sororem suam silentio, dicens, Magister adest, & vocat te. 29. Illa ut audivit, surgit citò, & venit ad eum. 30. Nondum enim venerat Jesus in castellum, sed adhuc erat in illo loco ubi occurrerat ei Martha. 31. Judæi ergo, qui erant cum ea in domo, & consolabantur eam cum vidissent Mariam, quia citò surrexit & exiit, secuti sunt eam dicentes, quia vadit ad monumentum, ut ploret ibi. 32. Maria ergo cum venisset ubi erat Jesus, videns eum cecidit ad pedes ejus, & dicit, Domine si fuisses hic non esset mortuus frater meus. 33. Jesus ergo ut vidit eam plorantem, & Judæos qui venerant cum ea plorantes, infremuit spiritu & turbavit seipsum. 34. & dixit: Ubi posuistis eum, dicunt ei, Domine, veni, & vide. 35. Et lachrymans est Jesus. 36. Dixerunt ergo Judæi: Ecce quomodo amabat eum. 37. Quidam autem ex ipsis dixerunt: Non poterat hic, qui aperuit oculos cæci nati facere, ut hic non moreretur? 38. Jesus ergo rursus fremens in semetipso, venit ad monumentum: Erat autem spelunca, & lapis super-

positus erat ei. 39. Ait Jesus: Tollite lapidem, dicit ei Martha soror ejus, qui mortuus fuerat: Domine jam scietur, quatruiduanus est enim: 40. Dicit ei Jesus: Nõne dixi tibi quoniam si credideris, videbis gloriam Dei? 41. Tulerunt ergo lapidem, Jesus autem elevatis sursum oculis, dixit: Pater gratias ago tibi quoniam audisti me. 42. Ego autem sciebam quia semper me audis, sed propter populum qui circumstat, dixi, ut credant quia tu me misisti. 43. Hæc cum dixisset, voce magna clamavit: Lazare, veni foras. 44. Et statim prodit qui fuerat mortuus, ligatus pedes & manus institis, & facies illius sudario erat ligata. Dixit eis Jesus: Solvite eum, & sinite abire. 45. Multi ergo ex Judæis qui venerant ad Mariam & Martham, & viderant quæ fecit Jesus, crediderunt in eum. 46. Quidam autem ex ipsis abierunt ad Pharisæos &, dixerunt eis, quæ fecit Jesus. 47. Collegerunt ergo Pontifices, & Pharisæi conciliũ, & dicebant. Quid facimus, quia hic homo multa signa facit? 48. Si dimittimus eum sic, omnes credent in eum: Et venient Romani, & tollent nostrum regnum & gentem. 49. Unus autem ex ipsis Caiphas nomine, cum esset Pontifex anni illius, dixit eis, Vos nescitis quicquid, 50. nec cogitatis quia expedit nobis ut unus moriatur homo pro populo, & non tota gens pereat. 51. Hoc autem à semetipso non dixit: sed cum esset Pontifex anni illius, prophetavit quod Jesus moriturus erat pro gente. 52. Et non tantum pro gente, sed ut filios Dei qui erant dispersi, congregaret in unum. 43. Ab illo ergo die cogitaverunt ut interficerent eum. 54. Jesus ergo jam non in palam ambulabat apud Judæos, sed abiit in regionem juxta desertum in civitatem quæ dicitur phrem & ibi morabatur cum discipulis suis. 55. Proximum autem erat Pascha Judæorum. & ascenderunt multi Hierosolimam de regione, ante Pascha, ut sanctificarent se ipsos. 56. Quærebant ergo Jesum; & colloquebantur ad invicem, in templo stantes, quid putatis, quia non venit ad diem festum? pederant autem Pontifices & Pharisæi mandatum, ut si quis cognoverit ubi sit, indicet, ut apprehendant eum.



ARGUMENTUM cum Remissionibus.

Primo, à Vers. 1. Refertur Lazarus infirmus, & mortuus, quem quatruiduanus Christus mirabiliter suscitavit; quod latè explicavi tom. 4. c. 35

per quæst. 26. Secundo, Vers. 47. Pontifices Christo invidentes concilium, contra eum cogunt, in quo Caiphas cum esset Pontifex, prophetizat expedire, ut Christus moriatur pro populo; Quod tractavi tom. 4. c. 36. per quatuordecim quæst.



CAPUT XII.

JESUS ergo ante sex dies Paschæ venit Bethaniam, ubi Lazarus fuerat mortuus, quem suscitavit Jesus. 2. Fecerunt autem ei cenam ibi, & Martha ministrabat: Lazarus verò unus erat ex discumbentibus cum eo. 3. Maria ergo accepit libram unguenti nardi pistici, pretiosi, & unxit pedes Jesus, & extersit pedes ejus capillis suis, & domus impleta est ex odore unguenti. 4. Dixit ergo unus ex discipulis ejus, Judas Iscariotes, qui erat eum traditurus. 4. Quare hoc unguentum non venit trecentis denariis, & datum est egenis? 6. Dixit autem hoc, non quia de egenis pertinebat ad eum: sed quia fur erat, & loculos habens, ea quæ mittebantur, portabat. 7. Dixit ergo Jesus, sine illam; ut in die sepulture mee servet illud. 8. Pauperes enim semper habetis vobiscum: me autem non semper habebitis. 9. Cognovit ergo turba multa ex Judæis quia illic est: & venerunt, non propter Jesum tantum, sed ut Lazarum viderent, quem suscitavit à mortuis. 10. Cogitaverunt autem principes sacerdotum, ut & Lazarum interficerent: 11. quia multi propter illum abibant ex Judæis, & credebant in Jesum. 12. In crastinum autem turba multa, quæ venerat ad diem festum, cum audissent, quia venit Jesus Ierosol. 13. acceperunt ramos palmarum, & processerunt obviam ei, & clama-